

吉林出版集團有限責任公司
海 天 出 版 社

欽定四庫全書薈要

集 部
別 集 類

目次

書

名

卷

次

頁

次

作

者

白氏長慶集

卷四八

中書製誥一

卷四九

中書製誥二

卷五〇

中書製誥三

卷五一

中書製誥四

卷五二

中書製誥五

卷五三

中書製誥六

卷五四

卷四八—卷七一

三六五—一

三六五—九

三六五—一七

三六五—二七

三六五—三九

三六五—四九

三六五—五八

唐・白居易撰

書名	卷次	頁次	作者
翰林製誥一 卷五五 翰林製誥二 卷五六 翰林製誥三 卷五七 翰林製誥四 卷五八 奏狀一 卷五九 奏狀二 卷六〇 奏狀三 卷六一 奏狀四 卷六二 策林一		三六五—六九 三六五—七八 三六五—九六 三六五—一二 三六五—一二二 三六五—一三四 三六五—一四〇 三六五—一四八	

書名	卷次	頁次	作者
卷六三		三六五—一六二	
策林二			
卷六四		三六五—一七七	
策林三			
卷六五		三六五—一九〇	
策林四			
卷六六		三六五—二〇五	
判			
卷六七		三六五—二一八	
判			
卷六八		三六五—二三〇	
碑誌序記表贊論衡書			
卷六九		三六五—二四四	
碑序解祭文記			
卷七〇		三六五—二五五	
銘誌贊序祭文記辭傳			
卷七一		三六五—二七〇	

書名	卷次	頁次	作者
碑記銘吟偈 后序 樊川集 卷首 卷一 賦三首 詩十五首 卷二 詩三十一首 卷三 詩五十九首 卷四 詩七十六首 卷五 詩八十八首 卷六 雜著五首 卷七	卷一—卷二〇	三六五—二七九 三六五—二八一 三六五—二八六 三六五—二九四 三六五—三〇三 三六五—三一 三六五—三二二 三六五—三三一 三六五—三三八	唐・杜牧撰

書名	卷次	頁次	作者
雜著七首	卷	三六五―三四七	作
卷八	次	三六五―三四七	者
序四首 記六首			
卷九		三六五―三五五	
書七首		三六五―三六六	
卷一〇		三六五―三七八	
書九首		三六五―三八八	
卷一一		三六五―三九九	
表九首 狀十四首		三六五―四〇七	
卷一二		三六五―四一五	
啓十三首		三六五―四二四	
卷一三			
製二十首			
卷一四			
製二十二首			
卷一五			
製二十七首			
卷一六			

書名	卷次	頁次	作者
製二十九首 卷一七 祭文七首 行狀二首 卷一八 誌銘三首 卷一九 誌銘四首 卷二〇 誌銘八首 外集 詩九十三首 別集 詩五十二首		三六五―四三一 三六五―四四一 三六五―四四九 三六五―四五八 三六五―四六六 三六五―四七七	

欽定四庫全書薈要

集部

白氏長慶集卷四十八至五十

欽定四庫全書薈要卷一萬三千九百七十八集部

白氏長慶集卷四十八

唐白居易撰

中書制誥一

舊體○凡二十七道

張徹宋申錫可並監察御史制

敕舊制副丞相缺中執憲得出入御史缺則於內外史中考覈其實封奏其名以補之今御史中丞僧孺奏某官張徹某官宋申錫皆方直彊毅可監察御史章下丞相府丞相亦曰可朕其從之並可監察御史

欽定四庫全書

白氏長慶集卷四十八

楊子留後殷彪授金州刺史兼侍御史河陰令

韋同憲授南鄭令韋弁授絳州長史三人同

制

敕某官殷彪等今之郡守古侯伯也今之邑令古子男也於更有君臣之道焉於人有父母之道焉郡邑之間承上率下者州長史也凡此之官與吾共理使吾人安而無怨者其在吏良而政平乎金秦之郡也奏告專達

詳校官助教臣常循

得行異政以彪清平信惠臨事能守大小之職率著名績故仍憲簡俾往牧之南鄭梁之邑也上有賢師無憂掣肘以同憲河陰有政可以移用故換銅印俾往宰之而絳為名藩并實良士命之贊貳亦叶其宜宜各悉心修舉三職可依前件

馮宿除兵部郎中知制誥制

敕吾聞武德暨開元中有顏師古陳叔達蘇頲稱大手筆掌書王命故一朝言語煥成文章朕承祖宗思濟其

欽定四庫全書

白氏長慶集
卷四十八

二

美凡選一才補一職皆不敢輕易其庶幾前事乎刑部郎中馮宿為文甚正立意甚明筆力雄健不浮不鄙況立身守事端方精敏而我誥命忽思潤色之聽諸人言曰宿也可宿立朝歷御史博士郡守尚書郎在仕進途不為不遇然不登茲選未足其心故吾於今歸汝職業仍遷秩為五兵郎中勉繼顏陳無辱吾舉可尚書兵部郎中知制誥

鄭覃可給事中制

敕給事中之職凡制敕有不便於時者得封奏之刑獄有未合於理者得駁正之天下寃滯無告者得與御史糾理之有司選補不當者得與侍中裁退之率是而行號為稱職固不專於掌侍奉讚詔令而已中大夫行諫議大夫雲騎尉滎陽縣開國男食邑三百戶鄭覃清節直行正色寡言先臣之風藹然猶在自居首諫益勵蹇諤擢領是職必有可觀亦欲天下聞之知吾獎骨鯁之臣來諫諍之道也可給事中散官勲如故

欽定四庫全書

白氏長慶集
卷四十八

三

韋審規可西川節度副使御史中丞李虞仲崔

戎姚向溫會等並西川判官皆賜緋各檢校

省官兼御史制

敕西川曰益部地有險府有兵礙戎屏華號為難理故吾命文昌為帥長俾鎮撫焉次命審規為上介俾左右焉又命虞仲戎向會等為庶僚俾咨度焉進言者謂文昌賢而審規輩才以才佐賢蜀必理矣輟三署吏贊丞相府假憲官職加臺郎暨一命再命之服以遣之其於

張大光榮與四方征鎮之賓寮不侔矣爾等苟佐吾丞相以善政聞使吾無一方之憂吾寧久遺汝於諸侯乎爾其勉之可依前件

魏博軍將呂晃等從弘正到鎮州各加御史大夫賓客等制

勅去年冬命侍中弘正建大將軍旗鼓移鎮於成德軍而晃以下四十有一人實從魏來或驅或殿被堅執銳可謂有勞宜以官坊之寮憲府之職隨其名秩序而寵之可依前件

欽定四庫全書

白氏長慶集
卷四十八

四

張平叔可戶部侍郎判度支制

時長慶二年三月制

勅故事君使臣其道不一或先勞而後受賞或先加寵而後責功蓋宜便有後先時事有緩急故耳朝議大夫守鴻臚卿兼御史大夫判度支上柱國賜紫金魚袋張平叔國之材臣也計能析秋毫吏畏如夏日司會逾月綱條甚張况師旅未息調食方急倚成取濟非爾而誰故自大鴻臚換居人部造膝而授不時而遷其要無他

是欲急吾事而望倚爾功也公卿以降羣有司盈庭然問曰與吾坐而決事丞相以下不過四五而主計之臣在焉非智能則事不可成非諒直則吾難近噫職局之外得不思稱官望而厭我心乎可守尚書戶部侍郎判度支散官勲賜如故

李虞仲可兵部員外郎崔戎可戶部員外郎制
敕劔南西川節度判官朝散大夫檢校尚書戶部郎中兼侍御史上柱國賜紫金魚袋李虞仲西川觀察判官

欽定四庫全書

白氏長慶集
卷四十八

五

朝議郎檢校刑部員外郎兼侍御史雲騎尉賜緋魚袋崔戎等去年春朕憂西南事授丞相文昌鉞鎮撫之次選郎吏有才實如虞仲輩者往贊理之故其制云苟佐吾丞相以善政聞寧久遺汝於諸侯乎今蜀政成矣蜀人安矣是汝輩職修事舉而奉吾詔書甚謹也前言在耳安可弭忘並命為郎主吾信賞虞仲可行尚書兵部員外郎戎可尚書戶部員外郎散官勲如故
牛僧孺可戶部侍郎制

敕戶部侍郎周之地官小司徒也掌天下田戶之圖生齒之籍賦役貨幣之政令以待國用而質歲成元和以還日益寵重善其職者多登大任中茲選者莫匪正人

誰其稱之我有邦彥朝議郎守御史中丞上柱國賜紫金魚袋牛僧孺自舉賢良踐臺閣秉潤色筆提糾繆綱而書命無繁詞決事無留獄受寵有憂色納忠多苦言朕心知之何用不可夫以人會之重如彼僧孺之賢若此俾居是職不亦宜乎可守尚書戶部侍郎散官勳如故

欽定四庫全書

白氏長慶集 卷四十八

六

庾承宣可尚書右丞制

敕朝議大夫守尚書刑部侍郎驍騎尉庾承宣昔我太宗文皇帝嘗謂尚書丞百職綱維事一失中則天下有受其弊者因命戴胄魏徵及杜正倫劉洎輩繼領是職分居左右官修事理人到于今稱之故吾前命崔戎持左綱今命承宣操右轄衆口藉藉頗為得人况承宣端諒勤敏周知典故必能為我紐有條之綱杞妄動之輪

坐曹得出入郎官立朝得奏彈御史會政決要扶樹理本無俾戴魏劉杜專美於貞觀中可守尚書右丞散官勳如故

張聿可衢州刺史制

敕中散大夫行尚書工部員外郎上柱國吳縣開國男食邑三百戶張聿內外庶官同歸共理牧守之任最親吾人蓋施張舉措由其心賞罰威福懸其手若一日失其職一郡非其人而名未達于朝聽之間為害已甚矣選授之際得不慎夫以爾聿前領建溪有理行次臨沔郡著能名用爾所長副吾所急宜輟郎署往頒詔條來暮之聲佇入吾耳可使持節衢州刺史散官勳如故

欽定四庫全書

白氏長慶集 卷四十八

七

辛丘度可工部員外郎李石可左補闕李仍叔

可右補闕三人同制

敕朝散大夫右補闕內供奉飛騎尉辛丘度等朕詔丞相求方畧忠謹之士置于左右而播等以石暨仍叔應詔言其為人厚實寒直嘗以文行謀畫容於幕府之間

臨事敢言當官能守可使東帶同升諸朝又言丘度介潔靜專不交勢利宜加推獎以勸其徒況久次者轉遷後來者登進皆適所用平章可之可依前件

魏博軍將薛之縱等十四人各授官爵制

敕薛之縱等去年冬授勳鉞俾自徐鎮潞而勳與其麾下同德食不求飽席不暇暖節鎮殿定一如所委此誠勳之忠略然所賴之縱等焦心戮力同濟厥功而頒賞已逾時秩宜加等我有爵祿分而命之知吾不遺細大之功可依前件

欽定四庫全書

白氏長慶集
卷四十八

八

裴度李夷簡王播鄭絪楊於陵等各賜爵并廻

授爵制

敕禮云臣下竭力盡忠以立功於國者必報之以爵祿此言上之不虚取于下也而司空度等咸以心力作股肱心膂之臣大節大勞書在甲令然則功如是忠如是高爵重秩予何愛焉故能統御之初先行信賞詔王爵者合為奏書或加寵進封或延恩任子次勤第品咸按

舊章行乎敬之無忝予一人之嘉命可依前件

鄭餘慶楊同懸等十人亡母追贈郡國夫人制

勅餘慶亡母某氏等夫德不旌則勸善之典缺矣親不顯則揚名之道廢矣凡今公卿大夫至於元士濟濟然抱忠履信立我朝者皆聖善之教燕翼之方所致也自家刑國有所從來不大封崇是忘報施朕去年仲月統御之初發號推恩先降是命豈直光前慰後而已哉亦欲使天下為母者聞庶幾乎善統其家慈訓其子厚人倫而美教化也可不務乎

欽定四庫全書

白氏長慶集
卷四十八

九

李真授咸陽令制

勅某官李真近者西夷犯塞詔諸將出師司計臣俊言真有應辦才可司饋餉故自京府掾假臺郎憲職以命之屬冠道師旋未展其用況在公族推有器幹今授銅印俾宰咸陽夫庶官之任為急西郊咫尺佇爾能聲可京兆府咸陽縣令

劉縱授祕書郎制

州刺史制

勅某官劉縱徒步詣闕上獻封章又自叙其先臣陳許
閒事皆歷歷可聽公侯子弟多溺於驕邪爾能讀書學
文自可嘉獎圖籍之府命爾為郎宣唯振滯求能且不
欲使勲勞之後棲棲於塵土中可祕書省祕書郎

程羣授坊州司馬制

勅程羣嘗從事於鎮冀之間病免所職垂老之歲棄為
窮人張張無歸有足傷者夫一夫不獲若納諸隍此聖
王用心推己及物今宜與羣祿食使飽暖其身亦猶晉

欽定四庫全書

白氏長慶集
卷四十八

十

君不能忘情於絳老也往佐中部爾其念哉可坊州司
馬

海州刺史王元輔加中丞制

勅海州刺史王元輔漢制二千石有政績者就中加命
秩不即改移蓋欲使吏久於官而人安於化也今元輔
為郡頗有理名廉使上聞奏課居最宜加中憲旌而寵
焉庶使與君共理者聞而知勸可兼御史中丞

楊潛可洋州刺史李繁可遂州刺史史備可濠

州刺史制

敕朝散大夫守尚書金部郎中上柱國楊潛溫厚靜專
有端士之操朝議大夫前使持節吉州諸軍事吉州刺
史上柱國李繁精彊博敏有才子之稱將仕郎前使持
節光州諸軍事守光州刺史雲騎尉史備變通健決有
良吏之用而能本於文學輔以政事為郎見其行為郡
聞其聲夫洋更梁之險遂居蜀之腴濠控淮之要三者
皆名郡而委之三吏得不思勤儉教導勞來安輯膏雨

欽定四庫全書

白氏長慶集
卷四十八

十一

吾土襦袴吾人者予潛可使持節洋州諸軍事守洋州
刺史散官勲如故繁可使持節都督遂州諸軍事守遂
州刺史備可使持節濠州諸軍事守濠州刺史充團練
渦口西城等使官勲如故

張洪相里友畧並山南東道判官同制

敕朝議郎守太常博士上柱國張洪前瀛漢等州都團
練判官朝議郎侍御史內供奉上柱國賜緋魚袋相里
友畧等元翼以大節大忠綽聞朝野授鉞開府殿我漢

南而又求賢乞能以自參貳則其賓客宜有以稱之故
求吾俊造之英勲烈之胄達朝儀而練戎事者與焉今
以洪之知國禮奉家聲以友畧之富藝文飽軍旅兩中
是選合而命之優秩寵章無所愛惜時無古今代有忠
賢苟致吾元翼於羊杜間別有陟明之典在洪可檢校
尚書職方員外郎兼侍御史充山東南道節度判官仍
賜緋魚袋散官勲如故友畧可檢校尚書屯田員外郎
兼侍御史充山南東道觀察判官散官勲如故

欽定四庫全書

白氏長慶集
卷四十八

三

姚成節右神策將軍知軍事制

勅朝議郎前使持節成州諸軍事守成州刺史充本州
守捉使賜紫魚袋姚成節嘗為天平軍裨將當劉悟之
立忠勲也謀成事集爾有助焉雖授一城未足酬獎況
聞信厚勤恪宜於爪牙肘腋間居之昔漢文帝以宋昌
忠勞擢拜將軍掌宿衛今吾用汝猶前志也環拱之職
得不勉歟可毅果校尉守右神策將軍知軍事賜如故

高鉞等一十人亡母鄭氏等太君制

敕起居郎高鉞亡母滎陽郡太君鄭氏等予有侍臣咸
士之秀者或左右以書吾言動前後以補吾闕遺森然
在庭各舉其職爰思乃教知所從來豈非善稟於親行
成於內徙隣斷織訓使然耶不追封邑之榮曷顯統家
之慶可依前件

柳公綽可吏部侍郎制

勅京兆尹兼御史大夫柳公綽長吏數易為害甚多邇
來都畿未免斯弊或苛急而人重困或軟弱而姦不息
得其中者其公綽乎細大必躬親剛柔不吐茹甚稱厥
職惜而不遷然智者常憂忠者常勞亦非吾以平施御
臣下之道也尚書六職天官首之辯論官材澄汰流品
比諸內史選妙秩清詢衆用能無易公綽爾宜飾躬承
命以裴王崔毛為心苟副吾言用稱乃職而今而後亦
何往而不適哉可尚書吏部侍郎

孔戣可散騎常侍制

勅昔齊桓公心體慙怠則隰朋侍漢成帝親重儒術則

欽定四庫全書

白氏長慶集
卷四十八

三

劉向從今之常侍是其選矣稱其任者唯正人乎吏部侍郎孔戣言行謹直風操端莊肅然禮容清廟之器始自並仕迄于天官虛舟為心利刃在手全才具美時論多之可使珥貂立吾左右從容侍從以備顧問隰朋劉向豈遠乎哉可右散騎常侍

王公亮可商州刺史制

勅尚書司門郎中王公亮茂於學精於文文學之外有枿思積切毫符佛切刺符佛切鐘之用自佐戎律領郡待憲為郎

欽定四庫全書

白氏長慶集 卷四十八

十四

皆稱厥職吾前命劉遵古張平叔為商州刺史繼有善政人用又安今爾代之守而勿失况商土瘠商人貧可以靜理而阜安不宜改張而易轍以爾精敏當自得中可商州刺史

韋觀可給事中庾敬休可兵部郎中知制誥同

制

敕職之要莫先乎駁正文之選莫難於司言將使朝綱有條朕命惟允在二者得人而已中大夫使持節蘇州

諸軍事守蘇州刺史上都騎尉韋觀精微專直通乎事典可使平奏議而坐左曹朝散大夫尚書禮部郎中上柱國庾敬休溫裕端明飾以辭藻可使書誥命而專右席而輪轅鑿柄各適所宜夫惟刺史守列城郎官應列宿選任倚注非不榮重然吾左右前後方求正人如觀敬休不宜疎遠亦猶有聲之玉無類之珠不置於佩服掌握之間皆非其所也宜自敬謹無忝吾言觀可行給事中散官勲如故敬休可尚書兵部郎中知制誥散官勲如故

欽定四庫全書

白氏長慶集 卷四十八

十五

白氏長慶集卷四十八

欽定四庫全書薈要卷一萬三千九百七十九 集部

白氏長慶集卷四十九

唐 白居易 撰

中書制誥二

舊體。凡三十道

李愬贈太尉制

勅故特進行太子少保上柱國涼國公食邑三千戶食實戶五百戶李愬在建中歲泚賊叛逆惟太師晟實仗大順翦而誅之在元和朝蔡寇充斥惟爾愬實奮奇策

欽定四庫全書

白氏長慶集卷四十九

虜而戮之父子之功書於甲令俱為第一焯

職畧焯呼切

當時矧爾一登將壇六換鈇鉞坐論巖廊之道卧理

保傳之事方深倚望奄忽淪謝是用當食累歎視朝三

輟豈不以爪牙之威缺

立月切

於外股肱之痛軫於中者

乎而弔奠之命賄

六鳳切

之數雖加常等未表殊

恩宜以太尉之秩贈上公之哀斂俾爾被哀榮服忠孝

從先太師於九原也不其盛歟嗚呼美終必復禮無不

答昔爾之勤勞如彼今吾之寵飾如此君臣報施可謂

兩臻其極焉爾靈有知欽我追命可贈太尉仍令所司備禮冊命賜絹二千匹布七百端米粟一千石委度支送

田布贈右僕射制

欽定四庫全書

白氏長慶集卷四十九

以勸孝心激忠腸然後薄者敦懦者立幸生者恥格也

故魏博等州節度觀察處置等使超復寧遠將軍守右

金吾大將軍員外置同正員檢校工部尚書無魏州大

都督府長史御史大夫賜紫金魚袋田布其父太尉甚

賢此子鎮陽之亂弘正殁焉而布枕戈嘗膽誓報冤恥

故吾以大將軍之旗鼓鈇鉞先臣之土壤士卒盡用委

付親加勉諭人鬼之憤期一洩而甘心焉既而激發魏

師出疆臨敵事有不得已者布亦末如之何卒至於剄